

**Laluan Terhalang Akibat Tanah Runtuh Di Lebuhraya Karak**  
**MStar Online**  
**11 November 2015**

**Timbalan Perdana Menteri Datuk Seri Dr Ahmad Zahid Hamidi (kiri) bersalaman dengan Menteri Negara di Pejabat Luar Negeri dan Komanwel Hugo Swire.**

**PETALING JAYA:** Laluan kedua-dua arah di Lebuhraya Karak terhalang dan sesak teruk akibat kejadian tanah runtuh.

"Ia berlaku di KM52.2 di Bukit Tinggi. Ia banjir lumpur. Jadi laluan di kedua-dua arah terhalang akibat tanah runtuh," kata juruhebah trafik Kumpulan Radio Star, Priscilla Patrick.

Buat masa ini, trafik menghala ke Kuala Lumpur terhalang sepanjang 3km dengan kesesakan sepanjang 1km menuju ke Bentong.

"Saya baru sahaja bercakap dengan pegawai. Terdapat beberapa kereta yang terperangkap dalam insiden itu, jadi keadaan nampak teruk. Ia tidak akan dibersihkan sehingga tengah malam, saya fikir ia akan berterusan sehingga pagi," katanya.

Sebagai laluan alternatif, pengguna jalan raya boleh keluar di Bukit Tinggi atau Bentong atau menggunakan jalan utama untuk mengelak kesesakan.

Ketika dihubungi, seorang jurucakap Jabatan Bomba dan Penyelamat Pahang mengesahkan terdapat empat kenderaan terperangkap dalam insiden itu tetapi kesemua penumpang berjaya keluar menyelamatkan diri.

Kesemua mereka tidak mengalami sebarang kecederaan.

**Hakcipta Terpelihara © 2015 Star Media Group Berhad (ROC 10894D)**

Source: <http://www.mstar.com.my/berita/berita-semasa/2015/11/11/kereta-tertimbus/>